



SÖNGTEXTAR



1. Ó, HEYR MÍNA BÆN

Ó, heyr mína bæn,
Ó, heyr mína bæn.
Er ég bið, svara mér.

Ó, heyr mína bæn,
Ó, heyr mína bæn,
Drottinn kom þú til mín

2. ÞÉR LÝÐIR LOFIÐ DROTTIN

Þér lýðir lofið Drottin
Og tigníð nafnið hans (2x)

3. ER Í NÆRVERU ÞÍNA ÉG KEM

Er í nærveru þína ég kem,
Er í nærveru þinni ég dvel
Og ljósið þitt víkur skugga heimsins burt.
Þá finn ég hjarta þitt gleðjast yfir mér,
Er læt ég ást þína stjórna mér
Og ljósið þitt víkur skugga heimsins burt.

∴: Ég lofa þig, ég lofa þig
Því allt gafstu mér,
Ég vil lofa þig,∴:

4. DROTTINN ER MINN HIRÐIR

Drottinn er minn hirðir, mig mun ekkert bresta
Á grænum grundum lætur hann mig hvílast
Leiðir mig að vötnum
þar sem ég má næðis njóta.

Hann hressir sál mína, leiðir mig um rétta vegu,
Fyrir sakir nafns síns.
Jafnvel þótt ég fari um dimman dal,
óttast ég ekkert illt, því þú ert hjá mér.

Sproti þinn og stafur hugga mig.
Þú býrð mér borð frammi fyrir fjendum mínum.
Þú smyr höfuð mitt með olíu,
bikar minn er barmafullur.

Já, gæfa og náð fylgja mér alla ævidaga mína
Og í húsi Drottins bý ég langa ævi,
Drottinn er minn hirðir, mig mun ekkert bresta.

5. DAG Í SENN

Dag í senn, eitt andartak í einu,
eilíf náð þín, faðir gefur mér.
Mun ég þurfa þá að kvíða neinu,
þegar Guð minn fyrir öllu sér?
Hann sem miðlar mér af gæsku sinni
minna daga skammt af sæld og þraut.
Sér til þess að færa leið ég finni
fyrir skrefið hvert á lífsins braut

Hann sem er mér allar stundir nærri,
á við hverjum vanda svar og ráð,
máttur hans er allri hugsun hærri,
heilög elska, viska föðurnáð.
Morgundagsins þörf ég þekki eigi,
það er nóg að Drottinn segir mér.
Náðin mín skal nægja hverjum degi
nú í dag ég styð og hjálpa þér

Guð, ég fæ af fyrirheitum þínum
frið og styrk, sem ekkert buga má.
Auk mér trú og haltu huga mínum
helgum lífsins vegi þínum á,
svo að ég af hjartabeli hreinu
hvað sem mætir, geti átt með þér
daginn hvern eitt andartak í einu,
uns til þín í ljóssins heim ég fer.

6. EITTHVAÐ STÓRKOSTLEGT

Eitthvað stórkostlegt, Eitthvað gott.
Allan minn biturleik þú tókst á brott
Allt, sem ég gat boðið þér,
Var niðurbrotin sál
En eitthvað stórkostlegt
þú gerðir úr mér þá.

7. ÞÖKK SÉ ÞÉR, Ó GUÐ

Þökk sé þér, ó Guð Drottinn vor
Því þú ert góður

Þökk sé þér, ó Guð Drottinn vor
Hal—le—lu—ja!

8. VER MÉR NÆR, Ó GUÐ

::: Ver mér nær ó Guð ver mér nær :::
Ó Guð ver mér nær.

::: Þegar græt ég Guð ver mér nær :::
Ó Guð ver mér nær.

::: Er ég bið þig Guð ver mér nær :::
Ó Guð ver mér nær.

::: Þegar syng ég Guð, ver mér nær :::
Ó Guð ver mér nær

9. ÉG ELSKA ÞIG

Ég elska þig og ég tigna þig
Ó, Drottinn Guð, sál mín gleðst í þér
Megi söngur minn gleðja hjarta þitt
Syngja vil ég lofgjörðarsöng fyrir þig

10. BARN ÞITT VIL ÉG VERA

Barn þitt vil ég vera
víkja þér ei frá
Blítt þér vil ég bera
Það besta sem ég á
Elsku mína alla, innst úr hjarta mér
Andinn hrópar upp til þín
Abba, faðir
Greitt það aldrei get ég
Sem gafstu fyrir mig
Allt þitt líf og ást og trú
Ég elska þig.



11. VIÐ

Við getum sungið, við getum dansað
Við getum flogið, við erum frjáls
Við getum elskað, við getum faðmað
Allan heiminn af kærleika

Við erum falleg, við erum örugg
Við getum brosað af kærleika
Við erum elskuð, við erum föðmuð
Við erum einstök, já við erum það

Við viljum þakka, þakka Guði
Fyrir lífið eins og það er
Við getum treyst því, full af gleði
Við erum frábær, já við erum það.

Við viljum lifa og fyrirgefa
Öllum mönnum í heimi hér
Og Guði þakka fyrir lífið.
Við erum einlæg, við erum við.

12. DÝRÐ SÉ ÞÉR

Dýrð sé þér, dýrð sé þér
Guð í hæstum hæðum
Dýrð sé þér, dýrð sé þér
Hallelúja, hallelúja

Gloria, gloria in excelsis Deo
Gloria, gloria
Hallelujah, hallelujah



13. VIÐ LOFUM ÞIG OG TIGNUM

Við lofum þig og tignum
Lútum þér og þökkum
Söngur okkar ómar
Hallelúja hljómar
::: Hallelúja:::
Amen

